

CAIS I'R PWYLLGOR SAFONAU AM OLLYNGIAD

Nodwch fod yn RHAID llenwi pob adran. Cyfeiriwch at y Nodiadau Cyfarwyddyd atoddedig wrth lenwi'r ffurflen hon.

1. EICH MANYLION

Eich enw llawn: Mrs Eiryl Wynne Rees

Enw eich Cyngor: Cyngor Cymuned Llangathen

Cyfeiriad e-bost: eirrees@aol.com

2. MANYLION AM EICH BUDDIANT

Beth yw'r mater o dan ystyriaeth?

Trawsyrru trydan o Barc Ynni Nant Mithil trwy Ddyffryn Tywi i gysylltiad grid yn Sir Gaerfyrddin

Beth yw eich buddiant yn y mater uchod?

Pe bai peilonau'n cael eu codi, mae'n bosibl y byddent yn weladwy o'm heiddo.

Pe bai peilonau'n cael eu codi, byddai effaith bosibl ar werth fy eiddo.

Pryd fydd y mater uchod yn cael ei ystyried?

Mae'n debygol y bydd y mater yn cael ei drafod ar gyfnodau dros y tair neu bedair blynedd nesaf.

A ydych yn gwneud cais am ollyngiad i:

Siarad yn unig:

Siarad a phleidleisio:

Gwneud sylwadau
ysgrifenedig

Arfer Pwerau
Gweithrediaeth

3. RHESYMAU DROS OLLYNGIAD

Mae rheoliadau a wnaed gan Gynulliad Cenedlaethol Cymru yn pennu'r amgylchiadau lle gall y Pwyllgor Safonau ganiatáu gollyngiad. Ceir crynodeb o'r rhesymau dros ganiatáu gollyngiad isod ac maent wedi'u nodi'n llawn yn y nodiadau cyfarwyddyd atodedig. Am ba un o'r rhesymau canlynol ydych chi'n credu y dylid caniatáu gollyngiad yn yr achos hwn? Ticiwch y blwch/blychau priodol.

• mae buddiant gan o leiaf hanner yr aelodau sy'n ystyried y busnes	<input type="checkbox"/>
• byddai fy anallu i gymryd rhan yn newid cydbwysedd gwleidyddol y cyfarfod i raddau a fyddai'n debygol o effeithio ar y canlyniad;	<input type="checkbox"/>
• ni fyddai'r ffaith fy mod yn cymryd rhan yn niweidio hyder y cyhoedd	<input checked="" type="checkbox"/>
• mae'r buddiant yn gyffredin i mi ac i gyfran arwyddocaol o'r cyhoedd;	<input type="checkbox"/>
• mae cyfiawnhad i mi gymryd rhan yn y busnes oherwydd fy rôl neu arbenigedd penodol;	<input checked="" type="checkbox"/>
• bydd y busnes yn cael ei ystyried gan bwyllgor trosolygu a chraffu ac nid yw fy muddiant yn fuddiant ariannol;	<input type="checkbox"/>
• mae'r busnes yn ymwneud â materion ariannol neu eiddo corff gwirfoddol yr wyf yn aelod o'i bwyllgor neu ei fwrdd rheoli ac nid oes gennyf unrhyw fuddiant arall	<input type="checkbox"/>
• mae'n briodol gwneud hynny yn yr holl amgylchiadau lle nad yw'n bosibl fel arall gwneud addasiadau rhesymol i ddarparu ar gyfer anabledd person	<input type="checkbox"/>

4. GWYBODAETH I GEFNOGI EICH CAIS

Nodwch isod y rhesymau pam rydych yn credu y dylai'r Pwyllgor Safonau ganiatáu gollyngiad yn yr achos hwn:

(Sylwch, os na fyddwch yn llenwi'r adran hon bydd y ffurflen gais yn cael ei dychwelyd atoch)

Fel cynghorydd cymuned, rwyf yn ymwybodol o ohebiaeth gan drigolion lleol a anfonwyd at y cwmni. Bydd y cynllun trawsyrru ynni dan sylw yn effeithio ar yr holl drigolion yn lleol. Teimlaf fod gennyf ddealltwriaeth o effeithiau a chanlyniadau datblygiad o'r fath (ceblau wedi'u claddu neu seilwaith uwchben y ddaear) ar fy nghymuned leol, ac felly byddwn yn gallu cynnig cipolwg gwerthfawr fel rhan o unrhyw drafodaeth.

Mae'n anodd gwybod pa fath o ddadleuon ar y mater yma allai godi mewn cyfarfodydd yng Nghyngor cymuned Llangathen, ond rwy'n ymwybodol bod gosod y llinellau arfaethedig uwchben y ddaear ac nid o dan y ddaear yn broblem yn yr ardal leol, felly mae potensial ar gyfer dadleuon am y cynnig i godi.

Bydd y mater yn effeithio ar sawl cyngor cymuned, felly nid yw'n gyfyngedig i gyngor Cymuned Llangathen yr wyf yn ei gynrychioli.

(Os bydd angen gallwch ddefnyddio dalen ar wahân)

Cadarnhaf fod y wybodaeth a roddir ar y ffurflen hon yn wir hyd eithaf fy ngwybodaeth. Rwy'n cytuno y gall y cais hwn a'r holl wybodaeth a gynhwysir ynddo ffurfio rhan o adroddiad cyhoeddus i'r Pwyllgor Safonau. Rwy'n gwneud cais am ollyngiad mewn perthynas â'r mater uchod.

Llofnod:

Dyddiad:

Dylech ddychwelyd y ffurflen hon at y Swyddog Monitro, Adran y Prif Weithredwr, Cyngor Sir Caerfyrddin, Neuadd y Sir, Caerfyrddin, SA31 1JP / Swyddogmonitro@sirgar.gov.uk

Nodiadau Cyfarwyddyd

(1) Dylech ddarllen y Côd Ymddygiad a phenderfynu pa un o'r paragraffau sydd fwyaf priodol yn eich achos chi. Ceir manylion cryno am y paragraffau perthnasol yn y tabl isod. Os nad ydych yn sicr, cysylltwch â'r Swyddog Monitro i gael cyngor.

Para.	Y math o fuddiant personol	
10(2)(a)	<p>Busnes y Cyngor sy'n ymwneud â'r canlynol, neu'n debygol o effeithio ar y canlynol:</p> <ul style="list-style-type: none"> • eich cyflogaeth neu'ch busnes • eich cyflogwr, busnes neu'ch cwmni • contract a wnaed rhwng y Cyngor a chi • unrhyw dir, prydles neu drwydded y mae gennych fuddiant ynddynt • corff cyhoeddus neu gymdeithas arall yr ydych yn aelod ohonynt neu lle'r ydych yn dal swydd reolaeth gyffredinol 	
10(2)(c)	<p>Busnes y Cyngor sy'n effeithio eich lles neu'ch sefyllfa ariannol, neu les, sefyllfa ariannol neu fuddiannau eraill person yr ydych yn cyd-fyw ag ef/hi neu y mae gennych gysylltiad personol agos ag ef/hi</p>	
13	<p>Busnes y Cyngor sy'n cael ei ystyried gan Bwyllgor Trosolygu a Chraffu ac sy'n ymwneud â phenderfyniad y Cabinet neu Bwyllgor arall yr oeddech yn aelod ohono ar y pryd [Cyngor Sir yn unig]</p>	

(2) Mae Rheoliadau Pwyllgorau Safonau (Caniatáu Gollyngiadau) (Cymru) 2001 (fel y'u diwygiwyd) yn nodi y gall Pwyllgor Safonau ganiatáu gollyngiadau yn y sefyllfaoedd canlynol:

- (a) os oes gan ddim llai na hanner aelodau'r awdurdod perthnasol neu hanner aelodau un o bwyllgorau'r awdurdod (yn ôl fel y digwydd) y mae'r busnes i gael ei ystyried ganddo fuddiant sy'n berthnasol i'r busnes hwnnw
- (b) os oes gan ddim llai na hanner aelodau gweithrediaeth arweinydd a chabinet yr awdurdod perthnasol y mae'r busnes i gael ei ystyried ganddo fuddiant sy'n berthnasol i'r busnes hwnnw a bod naill ai paragraff (ch) neu baragraff (d) hefyd yn gymwys;
- (c) yn achos cyngor sir neu gyngor bwrdeistref sirol, byddai anallu'r aelod i gymryd rhan yn newid cydbwysedd gwleidyddol yr awdurdod perthnasol neu bwyllgor yr awdurdod a fydd yn ystyried y busnes i raddau a fyddai'n debygol o effeithio ar y canlyniad;
- (d) os yw natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod perthnasol yn cael ei gynnal;
- (e) os yw'r buddiant yn gyffredin i'r aelod ac i gyfran arwyddocaol o'r cyhoedd;
- (f) os oes cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod;
- (g) os yw'r busnes y mae'r buddiant yn berthnasol iddo i'w ystyried gan bwyllgor trosolygu a chraffu'r awdurdod perthnasol ac nad yw buddiant yr aelod yn fuddiant ariannol;
- (h) os yw'r busnes sydd i'w ystyried yn berthnasol i faterion ariannol neu eiddo corff gwirfoddol y mae'r aelod yn aelod o'i bwyllgor neu ei fwrdd rheoli heblaw fel cynrychiolydd yr awdurdod perthnasol ac nad oes gan yr aelod unrhyw fuddiant arall yn

y busnes hwnnw ar yr amod na fydd unrhyw ollyngiad yn ymestyn i gymryd rhan mewn unrhyw bleidlais mewn perthynas â'r busnes hwnnw; neu

- (i) os yw'n ymddangos i'r pwyllgor ei bod o les i drigolion ardal yr awdurdod perthnasol i'r anallu gael ei godi, ar yr amod bod hysbysiad ysgrifenedig bod y gollyngiad yn cael ei ganiatáu yn cael ei roi i Gynulliad Cenedlaethol Cymru o fewn saith diwrnod a hynny mewn unrhyw fodd y gall ei bennu.
- (j) os ystyrir ei bod yn briodol gwneud hynny yn yr holl amgylchiadau lle nad yw'n bosibl fel arall gwneud addasiadau rhesymol i ddarparu ar gyfer anabledd person